

河南洛陽縣志

清嘉慶十八年

陸繼輅魏襄同纂

洛陽縣志卷四十三

洛陽縣知事曾炳章重印

舉

人陸繼輅

同纂

清洛陽縣知縣魏

襄

儒林傳

周王孫 漢書儒林傳洛陽人與王周丁寬服生同受

易于田何著易傳數篇寬至洛陽復從周王孫受古

義號周氏傳

賈嘉 漢書儒林傳洛陽人師古曰賈誼之孫時伏生

孫以治尚書徵弗能明定嘉頗能言之

乘宏 漢書儒林傳河南人與殷嘉姚平同受易于京

房皆為郎博士

桑欽

漢書儒林傳字君長河南人嘗受毛詩於涂擘

又作水經傳于世

徵崇

三國程秉傳字子和河南人治易春秋左氏傳

秉內術本姓李遭亂更姓遂隱于會稽躬耕以求其志好尚者從學所教不過數人輒止欲令其業必有成也所交結如丞相步騭等咸親焉嚴峻薦崇行足以厲俗學足以為師初見太子登以疾賜不拜東宮官僚皆從諮詢太子數訪以異聞年七十而卒

董常

文中子字履常河南人受學于文中子備聞六

經之義文中子觀田常偕魏徵杜淹至文中子曰各言志乎徵曰願事明王進思進忠退思補過淹曰願

執明王之法使天下無冤人常曰願聖人之道行于時常也無事于出處文中子曰大哉吾與常也或問曰董常何人也文中子曰其動也權其靜也至其顏氏之流乎竇威嘗問曰大哉易之盡性也門人孰至馬文中子曰董常近之蓋常行幾顏氏而尤深于易隋季文中子之教行于河汾門人自遠而至咸稱師北面授王佐之道千餘人而常為之冠云

元善 隋書儒林傳洛陽人祖又魏侍中父羅初為梁州刺史及又被誅奔於梁官至征北大將軍青冀二州刺史善少隨父至江南性好學遂通涉五經尤明左氏傳及侯景之亂善歸于周武帝甚禮之以為太

子宮尹賜爵江陽縣公每執經以授太子開皇初拜  
內史侍郎上每望之曰人倫儀表也凡有敷奏詞氣  
抑揚觀者屬目陳使袁雅來聘上令善就館受書雅  
出門不拜善論舊事有拜之儀雅不能對遂拜成禮  
而去後遷國子祭酒上嘗親臨釋奠命善講孝經於  
是敷陳義理兼之以諷諫上大悅曰聞江陽之說更  
起朕心賚絹百匹衣一襲善之通博在何安之下然  
以風流蘊藉俯仰可觀音韻清朗聽者忘倦由是為  
後進所歸以疾卒時年六十

元澹

唐書儒學傳字行冲河南人以字顯後魏常山

王素蓮之後少孤養于外祖司農卿韋機及長博學

尤通故訓及進士第累遷通事舍人狄仁傑罷之景  
雲中授太常少卿行冲以系出拓拔恨史無編年乃  
撰魏典三十篇事詳文約學者尚之開元初罷太子  
詹事出為岐州刺史兼關內按察使自以書生非彈  
治才固辭入為右散騎常侍東都副留守嗣彭王子  
志謙坐仇人告變考訊自誣株蔓數十人行冲察其  
枉列奏見原四遷大理卿不樂法家固謝所居官改  
左散騎常侍封常山縣公充使檢校集賢再遷太子  
賓客宏文館學士先是馬懷素撰書志褚無量校麗  
正四部書業未卒相次物故詔行冲并代之元宗自  
註孝經詔行冲為疏立于學官以老罷麗正校書事

初魏光乘請用魏徵類禮列于經帝命行冲與諸儒  
集義作疏將立之學乃引國子博士范行恭四門助  
教施教本采獲列綴為五十篇上于官于是右丞相  
張說建言戴聖所錄向已千載與經並立不可罷魏  
孫炎始因舊書摘類相比有如鈔掇諸儒共非之至  
徵更加整次乃為訓注恐不可用帝然之書留中不  
出行冲意諸儒間已因著論自辯名曰釋疑俄丐致  
仕十七年卒年七十七贈禮部尚書諡曰獻

聶崇義

東都事畧儒學傳洛陽人也少舉三禮善禮

學通經旨漢乾祐中為國子禮記博士校定公羊春  
秋周顯德中遷國子司業兼太常博士世宗將禘于

太廟言者以宗廟無祧主不當行禘祫之禮崇義援引魏晉以來故事以為當行且言祭者是追養之道以時移節變孝子感而思親故薦以首時祭以仲月間以禘祫序以昭穆乃禮之經也非謂宗廟備與未備也世宗從其議又詔崇義參定郊廟器玉崇義因取三禮圖再加考正至國初上之未幾崇義卒三禮圖遂行于世崇義為學官掌禮儀世推其諒贍云

邵古 邵子家傳字天叟雍之父也世本范陽徙共城又遷河南終于洛遂為河南人隱德不仕所學先正音文著周易解五卷年七十有九以治平四年正月一日捐館卜地于伊川神陰之原



程珣 皇宋先賢錄字伯玉舊名溫字君玉洛陽人曾  
祖羽太宗朝三司使仁宗錄舊臣後乃以珣為黃陂  
尉久之遷知龔州徙知松州又徙漢州時熙寧法行  
為守令者奉唯恐後珣獨抗議指其未便使者李元  
瑜怒珣即移病歸旋以大中大夫致仕卒年八十五  
文彥博蘇頌等九人表其清節詔賜帛二百疋官給  
其葬子顥頤程氏世表封永年縣開國伯元祐五年  
賜葬伊闕明嘉靖九年配享崇聖寺

郭忠孝 晁公武讀書志字立之河南人深明象數自  
謂得李挺之卦變論于陳子惠因亟讀有得焉著傳  
家易說兼山易解四學淵源論諸書靖康中持憲關

右死于難故其書散落大半子雍傳其學宋史本傳  
忠孝洛陽人受易中庸于程頤少以父達任補官舉  
進士累遷河東路提舉坐事免靖康初召為軍器少  
監入對以和議為非力陳追擊之策改永興軍路提  
點刑獄及敵人攻永興兵寡或勸忠孝以監司出巡  
可以避禍忠孝不答與經畧唐重分城而守城陷死  
之贈大中大夫

李充 宋名臣言行錄字子美洛陽人好學不倦從伊  
川遊范忠宣館之數年歸伊川曰從范公久何所見  
聞充曰范公奧蘊妙用某何能窺但見貴者見之忘  
其貴賤者見之忘其賤爾伊川顧謂門人曰李生非

常才也

趙孝孫 宋史李衡傳洛陽人父實師伊川家學有源  
宣和中江都李衡入辟雍孝孫與同舍勸衡讀論語  
曰學所以為聖賢非記誦詞章之習立心不可有絲  
毫虛偏惟以誠實自處為要衡心佩其訓後為名臣  
高志寧 韓琦撰高公墓誌字宗儒洛陽人幼通六經  
尤深于大易咸平中舉明經應識洞韜畧運籌決勝  
科召對龍圖閣言兵事莫備于師卦因講其卦于上  
前真宗大悅授大理評事又應才識兼茂明于體用  
科執政罷之改太子左贊善大夫天聖中充河北沿  
邊安撫副使以右領軍衛大將軍致仕享明堂恩轉

衛尉卿公既得謝乃與鄧國張公太子少師任公暨  
休官諸老凡九人放懷林泉間以詩酒相娛樂追唐  
白傳九老之會京洛好事家多圖寫而傳之卒年八  
十三所著周易化源圖行于世子八人損異賁震蒙  
大理寺丞皆早世復權撫州軍事判官天性孝謹漸  
蔡州平輿縣令渙西頭供奉官

董金章 採訪冊字子綬康熙甲午舉人著有周易析  
疑四書解等書

郭岱 採訪冊字長山著有四書精誼十六卷老而益  
貧無子其歿也生徒飲錢葬之

侯海濤覆校  
季錫爵校對

洛陽縣志卷四十四

洛陽縣知事曾炳章重印

清舉人陸繼輅

同纂

洛陽縣知縣魏襄

道學傳

程顥 東都事畧儒學傳字伯淳西洛人父珣大中

天顥舉進士為鄆縣簿又調上元簿晉城令呂公著為御史中丞薦為監察御史裏行前後進說甚多大要以正心窒欲求賢育才為先神宗嘗使推擇人材顥所薦十數人而以張載與其弟頤為首嘗言人主當防未萌之欲神宗拱手曰當為卿戒之時王安石日益信用顥每進見必陳君道以至誠仁愛為本未

及功利安石寢行其說顛意多不合事出必論列  
數月之間章數十上尤極論者輔臣不同心小臣與  
大計公論不行青苗取息諸路提舉官多非其人京  
東轉運司剝民希寵興利之臣日進尚德之風寢衰  
凡十餘事以言不行求去除京西提點刑獄復上章  
請罷改僉判鎮寧軍監西京路河竹木務知扶溝縣  
坐圖園囚逸鄰邑者罷監汝州酒稅哲宗立召為大  
宗王承未行而卒年五十二始顛從周敦頤論學故  
其言曰道之不明異端害之也古之害近而易知今  
之害深而難辨昔之惑人也承其迷暗今之入人也  
因其高明自謂足窮杓知化而不足以開物成務名

為無不周徧而其實乘于倫理雖于窮深極微而不  
可以入堯舜之道天下之學非淺陋固滯則必入于  
此自道之不明也邪誕怪異之說競起塗生民之耳  
目溺天下于污濁雖高才明智膠于見聞醉生夢死  
不自覺也是皆正路之蕪蕪聖門之蔽塞闢之而後  
可以入道神宗嘗問顥曰王安石何如人也顥曰安  
石博學多聞則有之守約則未也又問是聖人否顥  
曰詩稱周公公孫碩膚赤鳥几几聖人蓋如此安石  
剛褊自任聖人豈然哉顥有經濟之術不幸早死太  
師文彥博表其墓曰明道先生云弟頤宋史嘉定中  
賜諡曰純淳祐元年封河南伯從祀孔子廟庭



程頤

東都事畧儒學傳字正叔洛陽人以經術為諸

儒倡四方從之游者甚眾哲宗即位司馬光呂公著  
上其行義于朝授汝州團練推官西京國子監教授  
頤力辭又以為校書郎召至京師除崇正殿說書頤  
上疏曰帝王之學大畧謂習與智長化與心成今士  
大夫善教其子弟者亦必廷名德端方之士與之處  
使薰陶成性以陛下春秋之富雖睿聖德于天稟而  
輔養之道不可不至大率一日之中接賢士大夫之  
時多親寺人宮女之時少則自然德器成就乞擇賢  
士入侍勸講凡左右扶持嬪御內臣並選四十以上  
厚重小心者侈麗之物不接于目淺俗之言不入于